

Tɔnɔ kɔlɔ
ZAN
na pɔpɔni o ki bile tin
Tɔnɔ kɔlɔ Zan na pɔpɔni o
ki bile tin na bri dɔbam kɔlɔ
tin mu tuntu

Zan daa ta mu pɔpɔni tɔnɔ kuntu o pa Zezi kɔgɔ kum jɛgɛ didɔa ni o na bɛ-ku ni nu di o biɛ tin.

O kwe-ba si ba taa ηwi ciga wɔni si ba daari ba taa soe daani mu. O ma ta kwɛri o kaani-ba si ba ci ba titi di vwan zaasum tiinɛ bam.

¹ Amu wɔlɔ na yi Zezi kɔgɔ kum nakwi tin mu pɔpɔni tɔnɔ kuntu a pa dɔbam nu wɔlɔ Wɛ na kuri tin, di biɛ balɔ na wɔ nmu kɔgɔ kum wɔni tin.

A soe abam ciga ciga. Ku nan dai amu yirani mu soe abam, ku yi di balɔ maama na lwarɔ Wɛ ciga kam tin di mu.

² Bɛɲwaanɔ dɔbam maama sɛ Wɛ ciga kam, yi ka daa b́a fɔgi ka ti dɔbam tee ni.

³ Dí Ko Wɛ di Dɪ Bu Zezi Krisi ẃ pa dɔbam yazurɛ di yu-yonɔ, yi Dɪ daari Dɪ duri dí ηwanɛ, dɔbam balɔ na sɛ Wɛ ciga kam yi dí soe daani tin.

Ciga di sono taani

⁴ Amu wɔ poli lanyirani di a na lwarɔ ni nmu biɛ bam badaara tɔgi ciga cwɛnɛ kam, nɪnɛnɪ dɔbam Ko Wɛ na pɛ dɔbam ni si dí taá ki te tin.

⁵ A nu, a lagı a ta dı nmu sı dı maama manı sı dı taá soe daanı. A na pıpıni kulu tın dai ni-dıırı, ku manı ku yı We ni dım dı na ni pulim ni tın mu.

⁶ Dı na wú ta soe daanı te tın mu yı sı dı taá ıwı ni We niə yam na brı te tın. We ni dım nan yı sı á taá tıgı sono cwəıə mu. Abam nan manı á lwarı Dı ni dım kuntu pulim ni mu.

⁷ Vwa-nyına zanzan mu tu ba karı lıgı baıa ni ba ganı nıona. Vwa-nyına bam kuntu maa ba se ni Zezi Krişı jıgı nabiinu mu o ba lıgı baıa. Nıonı wulu nan na te kuntu tın yı vwa-nyım mu, yı o yı Zezi Krişı dım mu.

⁸ Kuntu ıwaanı, á fıgı á cı á tıtı, sı á na tııı kulu We ıwaanı tın yı zanı ku jı kafı, sı á wanı á na ıwııı tıı maama We na wú pa abam tın.

⁹ Taá ye-na ni, nıonı wulu maama na yagı Zezi Krişı zaasım dım yı o daarı o brı wənu tıdonnə o wəli da tın, We təri kuntu tu tee ni. Ku daarı, nıonı wulu nan na se o tıgı Zezi zaasım dım tın, dı Ko We dı Dı Bu wım wıra dı kuntu tu.

¹⁰ Kuntu, nıonı na tu abam te, yı o zaasım dım na dai Zezi Krişı nyım dım, á yı se á pa o zı á sam. Nan brı á yı zaan-o dı.

¹¹ Nıonı wulu na zaan-o tın, kuntu tu dı tıgı o wəli o kəm-balwaarı tım wıni mu.

¹² Amı ya jıgı wənu zanzan sı a ta a brı abam. A nan ba lagı sı a pıpıni a kı tıonı ni. A nan bııı ni, aá ba abam te sı a laan ıonı dıdaanı abam jaja, sı ku pa dıbam wıpolo kım tiini ku gaalı.

¹³ Dıbam balı na yı nmu cıı bıə yı We kırı dıbam dı tın mu jıonı nmu.

Wε Tɔno dɪ kasum

Kasem (Kassem): Wε Tɔno dɪ kasum New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 18 Apr 2025 from source files dated 29 Jan 2022

993cfae5-b100-5981-87e7-5a648d773cb9